

ARGIA EGUNA

HURRENGO PUNTADAK EMATEKO GOGOTSU

Txikitik eragiten jarraitzeko pilak kargatuta itzuli da lantaldea erredakziora larunbatean Ondarroan ospatutako ARGIA Egunetik. Makrojaialdien eredutik urrun, gertutasunean oinarritutako festaz gozatzeko aukera izan dugu beste urte batez ere, aurtan Lea-Artibaiko eragileen laguntzari esker.



Itsaso Zubiria Etxeberria

@itsasozubiria

ARGAZKIAK: DANI BLANCO

Goizeko 09:45ak izango dira eta oroimenaren txangoa 10:00etan hastekoa da. Zer egingo dugu, pixkanaka gerturatu ala aurretik espabilatzeko kafe bat hartu? Lehen zita hori luze joan daiteke... Hori izan da Ondarroara iritsi eta lagunaren eta bion lehen galdera. Kafea hartzea erabaki dugu badaezpada. Oker genbiltzan, ordea, txangoa luze joango zenaren zalantzarekin. Ordubetez 36ko Gerrara eta ondorengo urte zailetara eraman gintuzten Patxiren, Doitaren eta Inmaren historiak aditzen gustura jarraituko genuen beste hainbeste denboran. Hunkitu

gintuzten Ondarroako portuan edo Saturrango kartzela izan zen lekuan emandako azalpenekin eta erakutsi zizkiguten garai hartako argazkiekin.

Eta iragana ahanzturan erori ez dadin gogora ekarri ondoren, orainaldira saltoa. Irekiera ekitaldi txiki batekin jarri ziren martxan egun osoan zehar ikusgai egon zen *Trantsizioak* erakusketa eta hainbat herri eragile bildu zituen azoka, eta haurrek hartu zuten protagonismoa jolas hezitzaileekin. Batzuek lehen erosketak egiten hasiak ziren ongietorri ekitaldia bukatzerako, txikienak gustu-



ra zebiltzan eskuak buztinetan sartuta Nendo Dango tailerrean, eta ez ziren falta txosna ireki orduko txakolinari lehen kolpea eginez pintxoari heldu ziotenak.

Argiazaleon Topaketan proposamena

Horiek izango ziren Argiazaleon Topaketan esertzen azkenak, baina urteroko zita honek ere itxura polita hartu zuen familia txikia osatzen joan ahala. Helburu nagusia garbia da: komunitatea elkartzea eta proiektuaz hitz egitea. Baina zita bakoitzak du bere berezitasuna. Usurbilen aldizkariaren eta proiektu-



tuaren formatuan jarri zen fokua, han jasotako iritzien laguntzarekin Oñatin eraberritutako 0. alea aurkeztu ahal izan zen... eta aurren zer? Lagun taldea borobilean bilduta, ARGIAko kideek buruan darabilten harpidetza edo laguntza eredu berria proposatu zuten.

Urte luzetan egon da harpidedunarentzat tarifa bat finkatuta eta horri lotuta truke jakin bat. Galdera aldatu nahi da, ordea: zer eman nahi edo ahal duzu proiektua babesteko? Eta galdera horren ondoren dator horren truke zer jaso nahi duzun. Jende guztiari eman

nahi zaio aukera bere modura ARGIA lagundu eta irakurtzeko, eta bere esku utzi nahi da zenbatekoaren erabakia. Ondarroan bildu zen komunitateak arretaz entzun zuen proposamena, eta haren gainean hausnarketa egiteko baliatu zuen tartea; beren zalantzak bota eta ekarpenak egiteko.

Aurretik, baina, topaketak girotzeko-edo, ARGIArekin genuen lotura azaltzeko errondatxo azkarra egin genuen; eta aditu nituen tartean Lea Artibaiko hiru emakume harpidedun. Bazkal aurretik beraiekin hitz egiteko tartea hartu nuen.

“Niretzat ARGIA aldizkari bat baino gehiago da –esan zidan harpidedun ondarroar batek–, herrigintzako proiektu bat da, gizarte informatua izateko beharrezko tresna. Gaurkotasuneko gaiak ikuspegi kritiko batetik lantzen ditu eta konfiantza ematen dit. Euskal Herriarentzat eta euskaldunontzat garrantzitsua den proiektua dela iruditzen zait eta aurrera jarraitzea gustatuko litzaidake, gaur egun informazio kritiko eta zabal hori euskaraz ematen duen bakarra delako”.

Argia Egunaz eta komunitateaz ere baikor hitz egin zidan: “Gustura jaso



ARROZTEGIA
ADAKAIZ

ateak,
tarimak,
leihoak,
zokaloak,
persianak,
sukalde
eta altzari
montaiak

94 683 21 68
605 715 404
657 799 809

era guztietako egur lanak
Egidazu kaia, 7 • ONDARROA



1936ko Gerrako oroimen eta testigantzek jendea hunkitu zuten Saturrarango joan-etorrian.

GOIZMEK, S.L.
MEKANIZATUAK

☎ 946 841 413 / 680 601 415
Okamikako Industrialdea, 3A
48289 Gizaburuaga
BIZKAIA
goizmek@goizmek.com

nuen orain bi urte ARGIAk Usurbilen kalera ateratzeko hartu zuen erabakia. Hor ikusten da proiektu honen eta harpidedunen artean zein lotura dagoen eta ederra da harpidedun edo irakur-

leok sentitzea benetan gurekin kontatzen dela”.

Beste harpidedun batek belaualdi arteko katea nola mantendu den azaldu zigun: “Urte asko dira etxean har-



ZIORTZA-BOLIBARKO UDALA

Domingo Ugartetxea, 3
48278 (Ziortza-Bolibar)
☎ 946 165 727 · Faxe: 946 164 016
udala@ziortza-bolibar.com
www.ziortza-bolibar.com



Garbi jokatu hondakinekin

LEA-ARTIBAI
AMANKOMUNAZGOA

www.lea-artibai.org

- ▶ BERRIATUA
- ▶ ETXEBARRIA
- ▶ GIZABURUAGA
- ▶ ISPASTER
- ▶ LEKEITIO
- ▶ MARKINA-XEMEIN
- ▶ MENDEXA
- ▶ ONDARROA
- ▶ ZIORTZA-BOLIBAR



Musika, jolasak, batukada eta giro ona nagusitu ziren Ondarroako Itsasurre plazan.

pidedun garela, eta astero ARGIA noiz ailegatuko zain egoten gara. Ondo landutako artikulua izaten dira, sakontasunez. Eta Elorri bizi arren Argia Eguna Ondarroan izanda gustura etorri

naiz. Orain alaba ere harpidedun egin da gainera, eta nik uste guk baino gusturago irakurtzen duela oraindik”.

ARGIArekin lehenengo harremana nola egin zuen kontatu zigunik ere

SALMENTA eta KONPONKETA
MULTIMARKA

**KG ONDARROA
MOTORRAK**

656 78 94 68
94 683 23 93

kgmotorrak@gmail.com

Antiguako Ama 11, behea
48700 ONDARROA
(Bizkaia)

AXA Lea-Artibaiko
AXA agentziak

Ondarroa ☎ 946 036 484
Lekeitio ☎ 946 243 396
Markina ☎ 946 168 912

asegurua / berrasmatzen

 **cikautxo**

CIKAUTXO AUTOMOCION
MAGDALENA AUZOA 2- B
48710 Berriatua
946133000
cikautxo@cikautxo.com

www.cikautxo.com



izan zen: “Ikasle sasotik ezagutzen dut ARGIA. Alfabetatze ikastaroak egiten genituen, eta orduan euskaraz egiten zirenak ziren *Anaitasuna* eta *Zeruko Argia*. Niretzat aurkikuntza bat izan ziren, ikustea bazegoela euskaraz zer irakurri... Eta lanean hasi bezain laster egin nintzen bien harpidedun. Gerora *Anaitasuna* bukatu zen, eta ARGIAN jarraitu dut”.

Etxebarriako harpidedunak garden hitz egiten du urte guztiotako ibilbidea aipatzerakoan: “Orain zortzi-hamar bat urte zalantza batzuk izan nituen harpidetzarekin jarraitzeko, ez ninduen guztiz betetzen, baina pixka bat itxarotea erabaki nuen. Eta orain ez daukat zalantzarik. Gustura nago ARGIAN egiten den lanarekin, eta beste inon lortu ezin dudana informazioa eskaintzen dit”.



Argiazaleon Topaketa gure proiektu komunikatiboa partekatzeko espazio garrantzitsu bihurtu da.

Elikadura burujabetza, NAN arrotzen jaurtiketa...

Horrelakoak aditu ondoren bazkaltzera joan daiteke! pentsatu nuen. Eta hor hurrengo detailea, eta ez makala. Mahaien parean pankartan Euskal Herriaren zazpi lurraldeak irudikatuta eta barruan zenbait herri eta produktu, otorduan

jango genituen elikagaien jatorriaren adierazle. Eta guztia *chapeau*, noski.

Bertsolariek, antzerkiak eta dantza tailerrak bete zuten bazkal ondoreneko giroa, eta lasai-lasai kafea hartzen ari nintzela han non ikusten dudana bera;

NAN arrotzen jaurtiketako txapeldun handia, irribarre txikia ahoan, “bai, ni naiz eta nire lidergoa mantentzera nator” esanez bezala. Marka: 29,2 metro. Nire belarri ondotik ziztu bizian pasazen txartela sumatu nuenean ohartu



Eika Koop. E.

Urresolo, 47
48277 Etxebarria (Bizkaia) Spain
T: 946167732
F: 946167746
www.eika.com.es

GIZABURUAGAN EUSKARAZ BIZI GARA

GIZABURUAGAKO UDALA

Eleizaldea, 2
Tel./Faxa: 946 842 586
idadkaritza.gizaburuaga@bizkaia.org
www.gizaburuaga.eu



**Markina-Xemeinen
euskaraz bizi gara!**

Heldu euskarari

**Diru-laguntzak
euskara ikasleentzat:**

**Euskalduntze oinarrizko maila doan, herriko
euskaltegian bada.**

Etorkinentzako ikastaro bereziak.

Gainerako mailetan %80ko diru-laguntzak.

Aurtengo nobedadea:

**Monitoretza ikastaroa
euskaraz eta herrian
(diruz lagunduko da).**

Markina-Xemeingo Udala

Goiko Portala 3

48270 Markina-Xemein (Bizkaia)

Tel: 946 169 193

elena@markina-xemein.eus

markina-xemein
udala



nintzen lehiaketa hastear zela, Euskal Herriko hirugarrena. Jendea entrenatzen serio-serio ondokoari teknika lapurtzeko irrikan, beste batzuk lasai antzera etxeko-lanak ondo eginda eraman balituzte bezala.

Total, hasi da txapelketa eta han gabil-tza gizajo guztiak, 5 metroren bueltan, elkarri barre eginez, eta han dator liderra, bere teknika bereziarekin... isilunea, eta txalo zaparrada. Ez du marka gaintitu baina hor inguruan ibili da oraingoan ere. Oier iritsi den arte. Lekeitiarra. Txoro plantak egin ondoren bota ez zuen ba 40 metrotik aurrera? Marka berria ezarrita joan zen etxera sari eta guzti, harro esanez "Ondarroan ez dago hau gaintituko duenik. Eskerrik asko Ondarroa!".

Occhi di Farfalla taldearen eta Jon Basaguren bakarlariaren kontzertuekin eman zitzaion bukaera txikitik, elkarlanean, komunitatearekin egindako egunari. Egun osoaren errepassoa egin ondoren ez dut ahaztu nahi aurretik eta bertan lanean ibili zareten eragile eta norbanako guztiarekin, eta baita bertaratu zinetenekin ere. Erronka be-



NAN arrotzen jaurtiketaren errekorra ondu zuen Oier lekeitiarrak.

rriak daude aurretik, eta pauso berriak emateko gogotsu ikusi dut Ondarroan ARGIAren komunitatea; eta lehen kontzentzitura bageunden esaldi honekin,

larunbatekoarekin oraindik eta gehiago: jende txiki askok, leku txiki askotan, gauza txikiak eginez... mundua alda dezake. ■



*Enpresa eta
autonomoentzako
aholkularitza*

Iparragirre kalea 9 baxua ONDARROA • ☎ 946 833 208
Tolosa Etorbidea 5, 4 Solairua 2. Bulegoa 20.018 Donostia • ☎ 943 429 609
fideslan@fideslan.com • www.fideslan.com



**Berriatua
Elizateko
Udala**



T. 946 137 030
F. 946137027

Herriko Plaza, 1
48710 Berriatua-Bizkaia

www.berriatua.org